

一

臨證醫案筆記

如皋吳渭永著



臨證醫案筆記自序

余稟賦最薄少多病每下帷輒作數日苦同舍友有勸  
余習長桑書以自求導養之術者余深韙其言因取家  
藏靈樞素問暨李瀕湖綱目各書讀之時有心得遂廢  
舉子業博求各大家經方辨證諸書專心研習句梳字  
櫛閱數年得古人處方用意之妙按脉自治積痼頓痊  
而膚體充實榮衛亦固既里閭中遇險異證為之一治  
十奏九效洎遊燕趙至京師鄉前輩以余知醫每一證

輒延視亦往往應手愈於是公卿大夫士家車馬往來  
幾於突不黔而席不煖迨乾繫一官簿領叢雜由令而  
牧而丞而監而權史兼三陳臬事權方岳吏事孔亟無  
暇及此且亦不敢以此曠職已丑春擢任山東都轉年  
已七旬以足疾告退戢影田廬蕭然無事因思數十年  
來辛苦備嘗所臨之證既多所擬之方亦衆其有瘥  
危殆余投一二劑而若失者當時因公務煩勞方多湮  
沒篋中僅有臨證醫案筆記數卷友人力勸行世乃為

一一檢出區別門類擇其得心應手者類錄數則以付梓非敢如龐安時之自言心解也海內高明之士如臣予以不逮則幸甚時道光十六年二月雉皋吳應清良氏識於退耕思補之軒

叙

夫有非常之際遇者必有非常之藝能其欽奇磊落個  
儻瑰璋之才發為事業著為文章必能方軌往哲垂訓  
來茲如我 叔外祖渭泉先生洵當代偉人也方其田  
大令晉階司馬循聲藉甚迺不數月而

特擢監司泮泮鯁使人知 先生遭遇之隆而不知其  
奇才異能實有度越儕輩者出為名臣處為名醫並而  
有之矣憶嘉慶丁卯戊辰間 先生需次都門與岐往

來最密稔知 先生岐黃之學冠絕一時輦下名公卿  
造廬求請者蓋相望即後宦皖省觀察閩疆有自彼中  
來者咸嘖嘖稱 先生之政績與醫理均臻絕頂非其  
偉抱宏敷奇才出衆能若是之膾炙人口耶讀是篇分  
肌擘理井井有條因歎 先生學之富藝之精用心之  
勤畢生精力營萃是書由是推此心以活民而民活推  
此心以治國而治國豈僅挾青囊一卷肘後奇方自號  
為專門名家道光丙申年花朝前三日愚再甥沈岐拜

# 序



臨證醫案筆記序

昔宋名臣范文正公有言不為良相即為良醫可以濟  
天下良醫可以濟一方於此見公之素所抱負早已越  
越尋常故公卒為相良調元嘗觀古來鴻儒碩彥偉人  
長德類皆精於醫理以抒其閔濟之懷然以良臣而兼  
為良醫者蓋寡夫醫之為道通陰陽參造化消息微茫  
貫於神明其書如靈樞素問蘊閣深難經全匱意旨渾  
奧仲景而後諸家撰論醇疵互見未易析衷此明於道

邃於學胞為懷沉思學究者斯能得其精而詣其極粵  
稽龍門所傳倉公扁鵲蔚宗所傳郭玉華佗邈矣寡傳  
夏康難公降至唐宋下逮元明乃思邈叔和丹溪瀕  
景岳王齋於一滄洲皆互撰著後先相傳方軌既易我  
朝名家著述乃經仲醇之經疏筆記俞嘉言醫律出論  
葉香岳之醫案指南徐洄溪之經注軌範皆能辨析毫  
芒津梁末學自時厥後能接踵前哲者未易多觀以斯  
知良醫之難能而可貴也乃臯吳渭泉先生學探五際

才擅九能由主觀洊擢至轉運使顧先生於醫理甚精  
平時對症發藥靡不奏效如神海內翕然稱之當先生  
敷歷皖江時調元適守濠州幸得親炙其休光渥邀  
獎燕坐追陪時承指示因得稍窺靈蘊奧旨識其按病  
處方之微意嗣先生擢山左事幾即以疾乞歸槃娛邁  
軸射雉城邊堂用綠墊德星輝里道廣太邱課孫餘閒  
著其生平臨證醫案凡以司物後其哲嗣燮堂郵寄來  
皖俾序之以付梓人調元幸得觀厥成書追想音徽彌

深景黯於序若先生者殆夙具范文正公不為良相而  
為良醫之素志其夙所抱負早已超越尋常故能出則  
為良臣處則為良醫以大展其濟濟之懷其所纂著  
與仲醇嘉言香巖洄溪諸名宿並傳不朽無疑矣用是  
不揣樛昧勉綴一言以誌景仰亟為禁布嘉惠杏林至  
先生之政猷治績偉略豐功已照耀樽俎聲施衆俗人  
皆能道之茲不贅述云爾

龍飛道光歲在彊圉作噩日月會於鶉尾之月佛生之

前一日受業長汀胡調元謹譔

某藥考他國有經金故開載於某類之校如前  
載只爲某方見於某類以充重複

所開之方有祇開藥品其分數炮製并加減成

及治證俱未註明者蓋人受病有新久年歲有老少

厚賦有厚薄風氣有柔強全在臨證斟酌因病

以方合證故不允載



凡例

一筆記中所用諸方有開明藥味者有祇寫某方叻減某藥者恐閱者難查故開載於某類之後如前類已載只寫某方見於某類以免重複

一所開之方有祇開藥品其分量炮製并加減服法以及治證俱未註明者蓋人受病有新久年歲有老少稟賦有厚薄風氣有柔強全在臨證問切因病施藥以方合證故不冗載

一集中自中風至雜證及婦人小兒病分三十七門間  
附錄簡易數方以備舟次旅邸及窮鄉僻邑倉卒  
之醫藥之需

一每看證候先察其病情病狀脉象然後論證立法用  
方皆宗前賢方法而畧參已見稍為加減之蓋緣近  
畧知醫者甚夥故須剖辯明析以免猜疑至用方用  
藥皆中正和平人所共識凡隱僻罕見難覓非治所  
病端葯概不採錄



一霍亂業後附畧張景岳刮沙新按並宗林藥樵治沙  
症各法而其要尤在焮刮刺三字手法庶今不知醫  
者知之以備不虞

一風寒暑濕燥火天之六氣也六氣相雜而為病最宜  
細辯若陰虛內傷惡寒發熱頭痛概指為傷寒投以  
散劑為害匪淺不可不慎之於初

一雜證如有內傷外感及老幼強弱元氣虛實之不同  
須詳細分別至當不易則治法不至混淆而取效更

速

一女人之病多於男子其性情多鬱尤易生病凡與男子同病者皆列本門其經脉胎孕產育產後乳病雜證俱另立一門特裁其不同以便分析稽考其隱疾概不存錄

一小兒之病古人謂之啞科以其言語不能通病情不易測故曰願治十男子莫治一婦人願治十婦人莫治一小兒此甚言小兒之難治也茲集中所臨之證

如初感風寒則內傷飲食以至驚風吐瀉及寒熱疳  
癰之類不過數種但治小兒當審察虛實虛者固宜  
培元實者亦不宜攻伐太峻故有餘常慮為不足思  
患預防斯少失矣

一有諱疾不言或隱情難告甚而故隱病狀試以醫脉  
者不知自古神聖未有舍望聞問而獨憑一脉之理  
即如氣口脉盛則知傷食至於何日受傷所傷何物  
豈能以脉知哉但京城內外士大夫延視之家往往